


# 春秋

庫 文 閣 內		
二 七 五 函	一 〇 冊	一 八 四 六 號
架	類	漢 書

漢 書 門		
一 〇 冊	一 〇 架	一 八 四 六 號


內 閣 文 庫		
番 號	漢	1846
冊 數		10 ( 9 )
函 號	275	237




春秋胡氏傳序

古者列國各有史官掌記時事春秋魯史爾  
仲尼就加筆削乃史外傳心之要典也而孟  
氏發明宗旨目為天子之事者周道衰微乾  
綱解紐亂臣賊子接迹當世人欲肆而天理  
滅矣仲尼天理之所在不以考己任而誰可

五典不悖已所當叙五禮弗庸已所當秩五  
服弗章已所當命五刑井用已所當討故曰  
文王既沒文不在茲乎天之將喪斯文也後



死者不得與於斯文也天之未喪斯文也  
人其如予何聖人以天自處斯文之興喪在  
已而性人乎哉故曰我欲載之空言不如見  
諸行事之深也蓋明也空言獨能載其理行  
事然後見諸用是故侯魯史以寓王法撥亂  
世反之正叙先後之論而典自此可惇叙上  
下之分而禮自此可庸有德者必褒而善自  
此可勸有罪者必貶而惡自此可懲其志存  
乎經世其功配於抑洪水膺成狄救龍蛇驅



庚初其大要則皆天子之事也故曰春秋者  
其惟春秋乎罪我者其惟春秋乎如孔子者  
謂此書之作過人欲於橫流存天理於既滅為  
後世慮至深遠也罪孔子者謂無其位而託二  
百四十二年南面之權使亂臣賊子禁其欲而  
不得肆則戚矣是故春秋見諸行事非空言  
比也公好惡則發乎詩之情酌古今則貫乎  
書之事興常典則體乎禮之經本忠恕則導  
乎樂之和著權制則盡乎易之變百王之

度萬世之準繩皆在此書故君子以謂五經  
之有春秋猶法律之有斷例也學是經者信  
窮理之要矣不學是經而處大事決大疑能  
不惑者鮮矣自先聖門人以文學名科如游  
夏尚不能贊一辭蓋立義之精如此去聖既  
遠欲因遺經窺測聖人之用豈易能乎然世  
有先後人心之所同然一甫為得其所同然  
者雖越宇宙若見聖人親炙之也而春秋之  
權度在我矣近世推隆王氏新說按舊國是

猶於春秋貢舉不以取士庠序不以設官經  
筵不以進讀斷國論者無將折衷天下不知  
所適人欲日長天理日消其效使夷狄亂華  
莫之遏也噫至此極矣仲尼親手筆削撥亂  
反正之書亦可以行矣天縱聖學崇信是經  
迺於斯時奉詔旨輒不自揆謹述所聞為  
之說以獻雖微辭奧義或未貫通然尊君父  
討亂賊闢邪說正人心用夏變夷大法略具  
庶幾聖王經世之志小有補云

春秋胡氏傳序

春秋程子傳序

天之生民必有出類之才起而君長之治之而爭奪息道之而生養遂教之而倫理明然後人道立天道成地道平二帝而上聖賢世出隨時有作順乎風氣之宜不先天而開人各因時而立政暨乎三王迭興三重既備子丑寅之達正忠質文之更尚人道備矣天道周矣聖王既不復作有天下者雖欲倣古之迹亦私意妄為而已事之縲秦以達亥者正

道之悖漢專以智力持世豈復知先王之  
也夫子當周之末以聖人之不復作也順天  
應時之治不復有也於是作春秋考百王不  
易之大法兩謂考諸三王而不謬達諸天地  
而不悖質諸鬼神而無疑百世以俟聖人而  
不惑者也先儒之論曰游夏不能贊一辭辭  
不待贊也言不能與於斯耳斯道也惟顏子  
嘗聞之矣行夏之時乘殷之輅服周之冕繼  
則韶舞此其準的也後世以史視春秋謂褒

善貶惡而已至於經世之大法則不知也春  
秋大義數十其義雖大炳如日星乃易見也  
惟其微辭隱義時措時宜者為難知也或抑  
或縱或與或奪或進或退或微或顯而得乎  
義理之安文質之中寬猛之宜是非之公乃  
制事之權衡揆道之模範也夫觀百物而後  
識化工之神聚象材而後知作室之用於一  
事一義而欲窺聖人之用心非上智不能也  
故學春秋者必優游涵泳默識心通然後能

造其微也後王知春秋之義則雖德非禹湯  
尚可以法三代之治自秦而下其學不傳予  
悼夫聖人之志不明於後世也故作傳以明  
之俾後之人通其文而求其義得其意而法  
其用則三代亦可復也是傳也雖未能極聖  
人之蘊奧廢幾學者得其門而入矣有宋崇  
寧二年癸未四月乙亥河南程顥正叔序

春秋年表

隱公	元年至十有一年
桓公	元年至十有八年
莊公	元年至三十有二年
閔公	元年至二年
僖公	元年至三十有三年
文公	元年至十有八年
宣公	元年至十有八年
成公	元年至十有八年

襄公 元年三十有一年

昭公 元年三十有二年

定公 元年三十有五年

哀公 元年三十有四年

春秋

隱公

元年

春王正月

三月公及邾儀父盟于濇

夏五月鄭伯克段于鄆

秋七月天王使宰咺來歸惠公仲子之賵

九月及宋人盟于宿

冬十有二月祭伯來 公子益師卒



二年

春 公會我于潛

夏五月莒人入向 無駭帥師入極

秋八月庚辰公及我盟于唐

九月紀履緌來迎女

冬十月伯姬歸于紀 紀子伯管子盟于

密

十有二月乙卯夫人子氏薨 鄭人伐

衛

三年

春王二月己巳日有食之

三月庚戌天王崩

夏四月辛卯尹氏卒

秋武氏子來求賻

八月庚辰宋公和卒

冬十有二月齊侯鄭伯盟于石門 癸未

莒宋穆公

四年

春王二月莒人伐杞取牟婁 戊申衛州

吁弒其君完

夏公及宋公遇于清 宋公陳侯蔡人衛

人伐鄭

秋翬帥師 會宋公陳侯蔡人衛人伐鄭

九月衛人殺州吁于濮

冬十有二月衛人立晉

五年

春公觀魚于棠

夏四月葬衛桓公

秋衛師入郟

九月考仲子之官

初獻六羽

邾人

鄭人伐宋 顛

冬十有二月辛巳公子驅卒 宋人伐鄭

圍長葛

六年

春鄭人來輸平

夏五月辛酉公會齊侯盟于艾

秋七日

冬宋人取長葛

七年

春王三月叔姬歸于紀 滕侯率

夏城中丘 齊侯使其弟年來聘

秋公伐邾

冬天王使凡伯來聘 戎伐凡伯于楚丘

以歸

八年

春宋公偃侯遇于垂

三月鄭伯使宛來歸柩 庚寅我入柩

夏六月己亥蔡侯考父卒 辛亥宿男卒

秋七月庚午宋公齊侯衛侯盟于瓦屋

八月葬蔡宣公

九月辛卯公及莒人盟于浮來 螟

冬十有二月無駭卒

九年

春天王使南季來聘

三月癸酉大雨震電庚辰大雨雪 挾

卒

夏城郎

秋七月

冬公會齊侯于枋

十年

春壬二月公會齊侯鄭伯于中丘

夏翬帥師會齊人鄭人伐宋

六月壬戌公敗宋師于菅 辛未取郟

辛巳取防

秋宋人衛人入鄭 宋人蔡人衛人伐戴

鄭伯伐取之

冬十月壬午齊人鄭人入郟

十有一年

春滕侯薛侯來朝

夏公會鄭伯于時來

秋七月壬午公及齊侯鄭伯入許

冬十有一月壬辰公薨

桓公

元年

春王正月公即位

三月公會鄭伯于垂鄭伯以璧假許田

夏四月丁未公及鄭伯盟于越

秋大水

冬十月

二年

春王正月戊申宋督弑其君與夷及其大

夫孔父 滕子來朝

三月公會齊侯陳侯鄭伯于稷以成宋

亂

夏四月取郕大鼎于宋戊申納于大廟

秋七月杞侯來朝 蔡侯鄭伯會于鄧

九月入杞 公及我盟于唐

冬公至自唐

三年

春正月 公會齊侯于贏

夏齊侯衛侯晉命于蒲

六月公會杞侯于郕

秋七月壬辰朔日有食之既 公子翬如

齊送女

九月齊侯送姜氏于讙 公會齊侯于

讙 夫人姜氏至自齊

冬齊侯使其弟年來聘 有年

四年

春正月公狩于郎

夏天王使宰渠伯糾來聘

五年

春正月甲戌己丑陳侯鮑卒

夏齊侯鄭伯如紀 天王使仍叔之子來

聘 葬陳桓公 城祝丘

秋蔡人衛人陳人從王伐鄭 大雩 螽

冬州公如曹

六年

春正月寔來

夏四月公會紀侯于郕

秋八月壬午大閱 蔡人殺陳佗

九月丁卯子同生

冬紀侯來朝

七年

春二月己亥焚咸丘

夏穀伯綏來朝鄧侯吾離來朝

八年

春正月己卯烝 天王使冢父來聘

夏五月丁丑烝

秋伐邾

冬十月雨雪 祭公來遂逆王后于紀

九年

春紀季姜歸于京師

夏四月

秋七月

冬曹伯使其世子射姑來朝

十年

春王正月 庚申曹伯終生卒

夏五月葬曹桓公

秋公會衛侯于桃丘弗遇

冬十有二月丙午齊侯衛侯鄭伯來戰于

郎

十有一年

春正月齊人衛人鄭人盟于惡曹

夏五月癸未鄭伯寤生卒

秋七月葬鄭莊公

九月宋人執鄭祭仲 突歸于鄭 鄭

忽出奔衛 柔會宋公陳侯蔡叔盟

于折 公會宋公于夫鍾

冬十有二月公會宋公于闕

十有二年

春正月

夏六月壬寅公會杞侯莒子盟于曲池

秋七月丁亥公會宋公燕人盟于穀丘

八月壬辰陳侯躍卒 公會宋公于虔



冬十有一月公會宋公于龜 丙戌公會

鄭伯盟于武父 丙戌衛侯晉卒

十有二月及鄭師伐宋丁未戰于宋

十有三年

春二月公會紀侯鄭伯己巳及齊侯宋公

衛侯燕人戰齊師宋師衛師燕師敗

績

三月葵衛宣公

夏大水

秋七月

冬十月

十有四年

春正月公會鄭伯于曹 無冰

夏五 鄭伯使其弟語來盟

秋八月壬申御廩災 乙亥嘗

冬十有二月丁巳齊侯祿父卒 宋人以

齊人蔡人衛人陳人伐鄭

十有五年

春二月天王使冢父來求車

三月乙未天王崩

夏四月己巳葬齊僖公

五月鄭伯突出奔蔡 鄭世子忽復歸

于鄭 許叔入于許 公會齊侯于

艾 邾人牟人葛人來朝

秋九月鄭伯突入于櫟

冬十有一月公會宋公衛侯陳侯于袤伐

鄭

十有六年

春正月公會宋公蔡侯衛侯于曹

夏四月公會宋公衛侯陳侯蔡侯伐鄭

秋七月公至自伐鄭

冬城向

十有一月衛侯朔出奔齊

十有七年

春正月丙辰公會齊侯紀侯盟于黃

二月丙午公會邾儀父盟于楸

夏五月丙午及齊師戰于奚

六月丁丑蔡侯封人卒

秋八月蔡季自陳歸于蔡 癸巳葬蔡桓

侯 及宋人衛人伐邾

冬十月朔日有食之

十有八年

春王正月 公會齊侯于濼 公與夫人

姜氏遂如齊

夏四月丙子公薨于齊 丁酉公之喪至自

齊

秋七月

冬十有二月己丑葬我君桓公

莊公

元年

春王正月

三月夫人孫于齊

夏單伯逆王姬

秋筭王姬之館于外

冬十月乙亥陳侯林卒 王使榮叔來錫  
桓公命 王姬歸于齊 齊師遷紀  
邢鄆郟

二年

春王二月葬陳莊公  
夏公子慶父帥師伐於餘丘  
秋七月齊王姬卒  
冬十有二月夫人姜氏會齊侯于禚 乙  
酉宋公馮卒

三年

春王正月朔會齊師伐衛  
夏四月葬宋莊公  
五月葬桓王  
秋紀季以獻入于齊  
冬公次于滑

四年

春王二月夫人姜氏享齊侯于祝丘  
三月紀伯姬卒

夏齊侯陳侯鄭伯遇于垂 紀侯大去其

國

六月乙丑齊侯葬紀伯姬

秋七月

冬公及齊人狩于禚

五年

春王正月

夏夫人姜氏如齊師

秋鄭黎來朝

冬公會齊人宋人陳人蔡人伐衛

六年

春王正月 王人子突救衛

夏六月衛侯朔入于衛

秋公至自伐衛 螟

冬齊人來歸衛俘

七年

春夫人姜氏會齊侯于防

夏四月辛卯夜恒星不見夜中星隕如雨

秋大水無麥苗

冬夫人姜氏會齊侯于穀

八年

春王正月師次于郎以俟陳人蔡人 甲

午治兵

夏師及齊師圍郕郕降于齊師

秋師還

冬十有一月癸未齊無知弑其君諸兒

九年

春齊人殺無知 公及齊大夫盟于莒

夏公伐齊納糾糾 齊小白入于齊

秋七月丁酉葬齊襄公

八月庚申及齊師戰于乾時我師敗績

九月齊人取子糾殺之

冬浚洙

十年

春王正月公敗齊師于長勺

二月公侵宋

三月宋人遷宿

夏六月齊師宋師次于郎公敗宋師于乘

立

秋九月荊敗蔡師于莘以蔡侯獻舞歸

冬十月齊師滅譚譚子奔莒

十有一年

春王正月

夏五月戊寅公敗宋師于鄆

秋宋大水

冬王姬歸于齊

十有二年

春王三月紀叔姬歸于鄆

夏四月

秋八月甲午宋萬弑其君捷及其大夫仇

牧

冬十月宋萬出奔陳

十有三年

春齊侯宋人陳人蔡人邾人會于北杏

夏六月齊人滅遂

秋七月

冬公會齊侯盟于柯

十有四年

春齊人陳人曹人伐宋

夏單伯會伐宋

秋七月荊入蔡

冬單伯會齊侯宋公衛侯鄭伯于鄆

十有五年

春齊侯宋公陳侯衛侯鄭伯會于鄆

夏夫人姜氏如齊

秋宋人齊人邾人伐郕 鄭人侵宋

冬十月

十有六年

春王正月

夏宋人齊人衛人伐鄭

秋荊伐鄭

冬十有二月公會齊侯宋公陳侯衛侯鄭伯許



男滑伯膝子同盟于幽 邾子克卒

十有七年

春齊人執鄭啓

夏齊人殲于遂

秋鄭啓自齊逃來

冬多麋

十有八年

春王三月日有食之

夏公追戎于濟西

秋有螽

冬十月

十有九年

春王正月

夏四月

秋公子結媵陳人之婦于鄆遂及齊侯宋

公盟 夫人姜氏如莒

冬齊人宋人陳人伐我西鄙

二十年

春王二月夫人姜氏如莒

夏齊大災

秋七月

冬齊人伐我

二十有一年

春王正月

夏五月辛酉鄭伯突卒

秋七月戊戌夫人姜氏薨

冬十有二月葬鄭厲公

二十有二年

春王正月肆大眚 癸丑葬我小君文姜

陳人殺其公子御寇

夏五月

秋七月丙申及齊高侯盟于防

冬公如齊納幣

二十有三年

春公至自齊 祭叔來聘

夏公如齊觀社 公至自齊 荊人來聘

公及齊侯遇于穀 蕭叔朝公  
秋丹桓宮楹

冬十有一月曹伯射姑卒

十有二月甲寅公會齊侯盟于扈

二十有四年

春王三月刻桓宮楹 葬曹莊公

夏公如齊逆女

秋公至自齊

八月丁丑夫人姜氏入 戊寅大夫宗

婦覲用幣 大水

冬我侵曹曹羈出奔陳赤歸于曹 郭公

二十有五年

春陳侯使女叔來聘

夏五月癸丑衛侯朔卒

六月辛未朔日有食之鼓用牲于社

伯姬歸于杞

秋大水鼓用牲于社于門

冬公子友如陳

二十有六年

春公伐我

夏公至自伐我 曹殺其大夫

秋公會宋人齊人伐徐

冬十有二月癸亥朔日有食之

二十有七年

春公會杞伯姬于洮

夏六月公會齊侯宋公陳侯鄭伯同盟于

幽

秋公子友如陳薛原仲

冬杞伯姬來 莒慶來逆叔姬 杞伯來

朝 公會齊侯于城濮

二十有八年

春王三月甲寅齊人伐衛衛人及齊人戰

衛人敗績

夏四月丁未邾子瑄卒

秋荊伐鄭 公會齊人宋人救鄭

冬筭鄙 大無麥禾 臧孫辰告糴于齊

二十有九年

春新延既

夏鄭人侵許

秋有蜚

冬十有二月杞叔姬卒 城諸及防

三十年

春王正月

夏師次于成

秋七月齊人降鄆

八月癸亥葬紀叔姬

九月庚午朔日有食之 鼓用牲于社

冬公及齊侯遇于魯濟 齊人伐山戎

三十有一年

春筭臺于郎

夏四月薛伯卒 筭臺于薛

六月齊侯來獻戎捷

秋筭臺于秦

冬不雨

三十有二年

春城小穀

夏宋公齊侯遇于濼丘

秋七月癸巳公子牙卒

八月癸亥公薨于路寢

冬十月己未子般卒 公子慶父如齊

狄伐邢

閔公

元年

春王正月 齊人救邢

夏六月辛酉葬我君莊公

秋八月公及齊侯盟于落姑 季子來歸

冬齊仲孫來

二年

春王正月齊人遷陽

夏五月乙酉吉禘于社公

秋八月辛丑公薨

九月夫人姜氏孫于邾 公子慶父出

奔莒

冬齊高子來盟

十有二月狄入衛 鄭棄其師

僖公

元年

春王正月 齊師宋師曹師次于聶北救

邢

夏六月邢遷于夷儀 齊師宋師曹師城

邢

秋七月戊辰夫人姜氏薨于夷齊人以歸

楚人伐鄭

八月公會齊侯宋公鄭伯曹伯邾人于

榿

九月公敗邾師于偃

冬十月壬午公子友帥師敗莒師于郟獲

莒挈

十有二月丁巳夫人氏之喪至自齊

二年

春王正月城楚丘

夏五月辛巳癸我小君哀姜 虞師晉師

滅下陽

秋九月齊侯宋公江人黃人盟于毋

冬十月不雨 楚人侵鄭

三年

春王正月不雨

夏四月不雨 徐人取舒

六月雨

秋齊侯宋公江人黃人會于陽穀

冬公子友如齊蒞盟 楚人伐鄭

四年

春王正月公會齊侯宋公陳侯衛侯鄭伯

許男曹伯侵蔡蔡潰遂伐楚次于涇

夏許男新臣卒 楚屈完來盟于師盟于

召陵 齊人執陳轅濇

秋及江人黃人伐陳

八月公至自伐楚 葬許穆公



冬十有二月公孫茲帥師會齊人宋人衛人鄭人許人曹人侵陳

五年

春晉侯殺其世子申生 杞伯姬來朝其

子

夏公孫茲如年 公及齊侯宋公陳侯衛

侯鄭伯許男曹伯會王世子于首止

秋八月諸侯盟于首止 鄭伯逃歸不盟

楚人滅弦弦子奔黃

· 九月戊申朔日有食之

冬晉人執虞公

六年

春王正月

夏公會齊侯宋公陳侯衛侯曹伯伐鄭圍

新城

秋楚人圍許諸侯遂救許

冬公至自伐鄭

七年

春齊人伐鄭

夏小邾子未朝 鄭殺其大夫申侯

秋七月公會齊侯宋公陳世子款鄭世子

卒盟于甯母 曹伯班卒 公子友

如齊

冬葬曹昭公

八年

春王正月公會王人齊侯宋公衛侯許男

曹伯陳世子款盟于洮鄭伯乞盟

夏秋伐晉

秋七月禘于大廟用致夫人

冬十有二月丁未天王崩

九年

春王正月丁丑宋公御說卒

夏公會宰周公齊侯宋子衛侯鄭伯許男

曹伯于葵丘

秋七月乙酉伯姬卒

九月戊辰諸侯盟于葵丘 甲子晉侯

詭諸卒

冬晉里克殺其君之子奚齊

十年

春王正月公如齊 狄滅温温子奔衛

晉里克殺其君卓及其大夫荀息

夏齊侯許男伐北戎 晉殺其大夫里克

秋七月

冬大雨雪

十有一年

春晉殺其夫王鄭父

夏公及夫人姜氏會齊侯于陽穀

秋八月大雩

冬楚人伐黃

十有二年

春王三月庚午日有食之

夏楚人滅黃

秋七月

冬十有二月丁丑陳侯杵臼卒

十有三年

春秋侵衛

夏四月葬陳宣公

公會齊侯宋公陳侯

衛侯鄭伯許男曹伯于鹹

秋九月大雩

冬公子友如齊

十有四年

春諸侯城緣陵

夏六月季姬及鄆子遇于防使鄆子來朝

秋八月辛卯沙鹿崩

狄侵鄭

冬蔡侯疇卒

十有五年

春王正月公如齊

楚人伐徐

三月公會齊侯宋公陳侯衛侯鄭伯許

男曹伯盟于牡丘遂次于匡公孫敖

帥師及諸侯之大夫救徐

夏五月日有食之

秋七月齊師曹師伐厲

八月

九月公至自會 季姬歸于郕 民所

晦震夷伯之廟

冬宋人伐曹 楚人敗徐于婁林

十有一月壬戌晉侯及秦伯戰于韓獲

晉侯

十有六年

春王正月戊申朔隕石于宋五 是日六

鷓退飛過宋都

三月壬申公子季友卒

夏四月丙申鄭季姬卒

秋七月甲子公孫茲卒

冬十有二月公會齊侯宋公陳侯衛侯鄭

伯許男邢侯曹伯于淮

十有七年

春齊人徐人伐英氏

夏滅項

秋夫人姜氏會齊侯于卞

九月公至自會

冬十有二月乙亥齊侯小白卒

十有八年

春王正月宋公曹伯衛人邾人伐齊

夏師救齊

五月戊寅宋師及齊師戰于贏齊師敗

績 狄救齊

秋八月丁亥葬齊桓公

冬邾人狄人伐衛

十有九年

春王三月宋人執滕子嬰齊

夏六月宋公曹人邾人盟于曹南鄭子會

盟于邾己酉邾人執鄭子用之

秋宋人圍曹 衛人伐邢

冬會陳人蔡人楚人鄭人盟于齊 梁亡

二十年

春新作南門

夏郟子來朝

五月乙巳西宮災 鄭人入滑

秋齊人狄人盟于邢

冬楚人伐隨

二十有一年

春秋侵衛 宋人齊人楚人盟于鹿上

夏大旱

秋宋公楚于陳侯蔡侯鄭伯許男曹伯會

于孟執宋公以伐宋

冬公伐邾 楚人使宜申來獻捷

十有二月癸丑公會諸侯盟于薄釋宋

公

二十有二年

春公伐邾取須句

夏宋公衛侯許男滕子伐鄭

秋八月丁未及邾人戰于升陘

冬十有一月己巳朔宋公及楚人戰于泓

宋師敗績

二十有三年

春齊侯伐宋圍緡

夏五月庚寅宋公茲父卒

秋楚人伐陳

冬十有一月杞子卒

二十有四年

春王正月

夏狄伐鄭

秋七月

冬天王出居于鄭 晉侯夷吾卒

二十有五年

春王正月丙午衛侯燬滅邢

夏四月癸酉衛侯燬卒 宋蕩伯姬來逆

婦 宋殺其大夫

秋楚子圍陳納頓子于頓 葬衛文公

冬十有二月癸亥公會衛子莒慶盟于泚

二十有六年

春王正月己未公會莒子衛甯速盟于向

齊人侵我西鄙公追齊師至蕪弗及



夏齊人伐我北鄙 衛人伐齊 公子遂

如楚乞師

秋楚人滅夔以夔子歸

冬楚人伐宋圍緡 公以楚師伐齊取穀

公至自伐齊

二十有七年

春杞子來朝

夏六月庚寅蔡侯昭卒

秋八月乙未葬齊孝公 乙巳公子遂帥

師入杞

冬楚人陳侯蔡侯鄭伯許男圍宋

十有二月甲戌公會諸侯盟于宋

二十有八年

春晉侯侵曹晉侯伐衛 公子買戍衛不

卒戍刺之 楚人救衛

三月丙午晉侯入曹執曹伯畀宋人

夏四月己巳晉侯齊師宋師秦師及楚人

戰于城濮楚師敗績 楚殺其大夫

得臣 衛侯出奔楚

五月癸丑公會晉侯齊侯宋公蔡侯鄭伯衛子管子盟于踐土 陳侯如會

公朝于王所

六月衛侯鄭自楚復歸于衛 衛元咺

出奔晉 陳侯款卒

秋杞伯姬來 公子遂如齊

冬公會晉侯齊侯宋公蔡侯鄭伯陳子管

于知子秦人于温 天王狩于河陽

甲申公朝于王所 晉人執衛侯歸

之于京師 衛元咺自晉復歸于衛

諸侯遂圍許 曹伯襄復歸于曹遂

會諸侯圍許

二十有九年

春介葛盧來 公至自圍許

夏六月會王人晉人宋人齊人陳人蔡人

秦人盟于翟泉

秋大雨雹

冬介葛盧來

三十年

春王正月

夏狄侵齊

秋衛殺其大夫元咺及公子瑕 衛侯鄭

歸于衛 晉人秦人圍鄭 介人侵

蕭

冬天王使宰周公來聘公子遂如京師遂

如晉

三十有一年

春取濟西田 公子遂如晉

夏四月四卜郊不從乃免牲猶三望

秋七月

冬杞伯姬來求婦 狄圍衛

◆十有二月衛遷于帝丘

三十有二年

春王正月

夏四月己丑鄭伯捷卒 衛人侵狄

秋衛人及狄盟

冬十有二月己卯晉侯重耳卒

三十有三年

春王二月秦人入滑 齊侯使國歸父來

聘

夏四月辛巳晉人及姜戎敗秦于殽

癸巳葬晉文公 狄侵齊 公伐邾

取訾婁

秋公子遂帥師伐邾 晉人敗狄于箕

冬十月公如齊

十有二月公至自齊 乙巳公薨于小

寢 殯霜不殺草李梅實 晉人陳

人鄭人伐許

文公

元年

春王正月公即位

二月癸亥日有食之 天王使叔服來

會葬

夏四月丁巳葬我君僖公 天王使毛伯

來錫公命 晉侯伐衛 叔孫得臣

如京師 衛人伐晉

秋公孫教會晉侯于戚

冬十月丁未林之世子商臣弑其君頤 公

孫毅如齊

二年

春王二月甲子晉侯及秦師戰于彭衙秦

師敗績 丁丑作僖公主

三月乙巳及晉處父盟

夏六月公孫教會宋公陳侯鄭伯晉士穀

盟于岳隴 自十有二月不雨至于

秋七月

八月丁卯大事于大廟躋僖公

冬晉人宋人陳人鄭人伐秦 公子遂如

齊納幣

三年

春王正月叔孫得臣會晉人宋人陳人衛

人鄭人伐沈沈潰

夏五月壬子虎卒 秦人伐晉

秋楚人圍江 兩冬于宋

冬公如晉十有二月己巳公及晉侯盟

晉陽處父帥師伐楚以救江

四年

春公至自晉

夏逆婦姜于齊 狄侵齊

秋楚人滅江 晉侯伐秦 衛侯使甯俞

來聘

冬十有一月壬寅夫人風氏薨

五年

春王正月王使榮叔歸舍且贈

三月辛亥葬我小君成風 王使召伯

來會葬

夏公孫敖如晉 秦人入都

秋楚人滅六

冬十月甲申許男業卒

六年

春葬許僖公

夏季孫行父如陳

秋季孫行父如晉

八月乙亥晉侯驩卒

冬十月公子遂如晉 葬晉襄公 晉殺

其大夫陽處父 晉狐射姑出奔狄

閏月不告月 猶朝于廟

七年

春公伐邾

三月甲戌取須句 遂城郟

夏四月宋公王臣卒 宋人殺其大夫

戊子晉人及秦人戰于令狐 晉先蔑

奔秦 狄侵我西鄙

秋八月公會諸侯 晉大夫盟于扈

冬徐伐莒 公孫敖如莒 涖盟

八年

春王正月

夏四月

秋八月戊申天王崩

冬十月壬午公子遂會晉趙盾盟于衡雍

乙酉公子遂會雒戎盟于暴 公孫

敖如京師不至而復丙戌奔莒 姒

宋人殺其大夫司馬宋司城來奔

九年

春毛伯來求金 夫人姜氏如齊

二月叔孫得臣如京師 辛丑葬襄王

晉人殺其大夫先都

三月夫人姜氏至自齊 晉人殺其大

夫士穀及箕鄭父 楚人伐鄭公子

遂會晉人宋人衛人許人救鄭

夏秋侵齊

秋八月曹伯襄卒

九月癸酉地震

冬楚子使椒來聘 秦人來歸僖公成風

之禘 葬曹共公



十年

春王三月辛卯臧孫辰卒

夏秦伐晉 楚殺其大夫宜申 自正月

不雨至于秋七月 及蘇子盟于女

栗

冬狄侵宋 楚子蔡侯次于厥貉

十有一年

春楚子伐麇

夏叔仲彭生會晉卻缺于承匡

秋曹伯來朝 公子遂如宋 狄侵齊

冬十月甲午叔孫得臣敗狄于鹹

十有二年

春王正月邾伯來奔 杞伯來朝

二月庚子子叔姬卒

夏楚人圍巢

秋滕子來朝 秦伯使術來聘

冬十有二月戊午晉人秦人戰于河曲

季孫行父帥師城諸及鄆

十有三年

春王正月

夏五月壬午陳侯朔卒 邾子蘧蒢卒

自正月不雨至于秋七月 世室屋

壞

冬公如晉衛侯會公于沓 狄侵衛

十有二月己丑公及晉侯盟公還自晉

鄭伯會公于斐

十有四年

春王正月公至自晉 邾人伐我南鄙叔

彭生帥師伐邾

夏五月乙亥齊侯潘卒

六月公會宋公陳侯衛侯鄭伯許男曹

伯晉趙盾癸酉同盟于新城

秋七月有星孛入于北斗 公至自會

晉人納捷菑于邾弗克納

九月甲申公孫敖卒于齊 齊公子商

人弒其君舍 宋子哀來奔

冬單伯如齊齊人執單伯 齊人執子叔

姬

十有五年

春季孫行父如晉

三月宋司馬華孫來盟

夏曹伯來朝 齊人歸公孫敖之喪

六月辛丑朔日有食之鼓用牲于社

單伯至自齊 晉郤缺帥師伐蔡伐

申入蔡

秋齊人侵我西鄙 季孫行父如晉

冬十有一月諸侯盟于扈

十有二月齊人來歸子叔姬 齊侯侵

我西鄙遂伐曹入其郛

十有六年

春季孫行父會齊侯于陽穀齊侯弗及盟

夏五月公四不視朔

六月戊辰公子遂及齊侯盟于鄆立

秋八月辛未夫人姜氏薨 毀泉室于楚

人秦人巴人滅庸

冬十有一月宋人弑其君杵臼

十有七年

春晉人衛人陳人鄭人伐宋

夏四月癸亥葬我小君聲姜 齊侯伐我

西鄙

六月癸未公及齊侯盟于穀 諸侯會

于扈

秋公至自穀

冬公子遂如齊

十有八年

春壬二月丁丑公薨于臺下 秦伯罃卒

夏五月戊戌齊人弑其君商人

六月癸酉葬我君文公

秋公子遂叔孫得臣如齊

冬十月子卒 夫人姜氏歸于齊 季孫

行父如齊 莒弑其君庶其

宣公

九年

春王正月公即位 公子遂如齊逆女

三月遂以夫人婦姜至自齊

夏季孫行父如齊 晉放其大夫胥甲父

于衛 公會齊侯于平州 公子遂

如齊

六月齊人取濟西田

秋邾子來朝 楚子鄭人侵陳遂侵宋

晉趙盾帥師救陳 宋公陳侯衛侯

曹伯會晉師于裴林伐鄭

冬晉趙盾帥師侵宋 晉人宋人伐鄭

二年

春王二月壬子宋華元帥師及鄭公子歸

生帥師戰于大棘宋師敗績獲宋華

元 秦師伐晉

夏晉人宋人衛人陳人侵鄭

秋九月乙丑晉趙盾弑其君夷臯

冬十月乙亥天王崩

三年

春王正月郊牛之口傷改卜牛牛死乃不

郊猶三望 葬匡王 楚子伐陸渾

之戎

夏楚人侵鄭

秋赤狄侵齊 宋師圍曹

冬十月丙戌鄭伯蘭卒 葬鄭穆公

四年

春王正月公及齊侯平莒及郟莒人不肯

公伐莒取向 秦伯稻卒

夏六月乙酉鄭公子歸生弑其君夷 赤

秋侵齊

秋公如齊公至自齊

冬楚子伐鄭

五年

春公如齊

夏公至自齊

秋九月齊高固來進子叔姬 叔孫得臣

卒

冬齊高固及子叔姬來 楚人伐鄭

六年

春晉趙盾衛孫免侵陳

夏四月

秋八月螽

冬十月

七年

春衛侯使孫良夫來盟

夏公會齊侯伐萊

秋公至自伐萊 大旱

冬公會晉侯宋公衛侯鄭伯曹伯于黑壤

八年

春公至自會

夏六月公子遂如齊至黃乃復 辛巳有

事于大廟仲遂卒于垂 壬午猶繹

萬入去籥 戊子夫人嬴氏薨 晉

師白狄伐秦 楚人滅舒蓼

秋七月甲子日有食之既

冬十月己丑葬我小君敬嬴雨不克葬庚

寅日中而克葬 城平陽 楚師伐

陳

九年

春王正月公如齊 公至自齊

夏仲孫蔑如京師 齊侯伐萊

秋取根牟

八月滕子卒

九月晉侯宋公衛侯鄭伯曹伯會于扈

晉荀林父帥師伐陳 辛酉晉侯黑

臀卒于扈

冬十月癸酉衛侯鄭卒 宋人圍滕 楚

子伐鄭 晉卻缺帥師救鄭 陳殺其

大夫洩治

十年

春公如齊 公至自齊 齊人歸我濟西

田



夏四月丙辰日有食之 己巳齊侯元卒

齊崔氏出奔衛 公如齊

五月公至自齊 癸巳陳夏徵舒弑其

君平國

六月宋師伐滕 公孫歸父如齊 葬

齊惠公 晉人宋人衛人曹人伐鄭

秋天王使王季子來聘 公孫歸父帥師

伐邾取繹 大水 季孫行父如齊

冬公孫歸父如齊 齊侯使國佐來聘

饑 楚子伐鄭

十有一年

春王正月

夏楚子陳侯鄭伯盟于辰陵 公孫歸父

會齊人伐莒

秋晉侯會狄于攢函

冬十月楚人殺陳夏徵舒 丁亥楚子入

陳納公孫寧儀行父于陳

十有二年

春癸陳靈公 楚子圍鄭

夏六月乙卯晉荀林父帥師及楚子戰于

邲晉師敗績

秋七月

冬十有二月戊寅楚子滅蕭 晉人宋人

衛人曹人同盟于清丘 宋師伐陳

衛人救陳

十有三年

春齊師伐魯

夏楚子伐宋

秋螽

冬晉殺其大夫先穀

十有四年

春衛殺其大夫孔達

夏五月壬申曹伯壽卒 晉侯伐鄭

秋九月楚子圍宋 蔡曹文公

冬公孫歸父會齊侯于穀

十有五年

春公孫歸父會楚子于宋

夏五月宋人及楚人平

六月癸卯晉師滅赤狄潞氏以潞子嬰

兒歸秦人伐晉王札子殺呂伯

毛伯

秋螽仲孫蔑會齊高固于無婁初稅

畝

冬嫁生饑

十有六年

春王正月晉人滅赤狄甲氏及留吁

夏成周宣榭火

秋鄭伯姬來歸

冬大有年

十有七年

春王正月庚子許男錫我卒丁未蔡侯

申卒

夏葬許昭公葬蔡文公

六月癸卯日有食之己未公會晉侯

衛侯曹伯鄭子同盟于斷道  
秋公至自會

冬十有一月壬午公弟叔肝卒

十有八年

春晉侯衛世子臧伐齊 公伐杞

夏四月

秋七月邾人伐鄭于于鄆 甲戌楚子旅

卒 公孫歸父如晉

冬十月壬戌公薨于路寢 歸父還自晉

至筮遂奔齊

成公

元年

春王正月公即位

二月辛酉葬我君宣公 無冰

三月作丘甲

夏臧孫許及晉侯盟于赤棘

秋王師敗績于茅戎

冬十月

二年

春齊侯伐狄北鄙

夏四月丙戌衛孫良夫帥師及齊師戰于

新築衛師敗績

六月癸酉季孫行父臧孫許叔孫僑如

公孫嬰齊帥師會晉欒克衛孫良夫

曹公子首及齊侯戰于鞏齊師敗績

秋七月齊侯使國佐如師己酉及國佐盟

于袁婁

八月壬午宋公鮑卒 庚寅衛侯速卒

取汶陽田

冬楚師鄭師侵衛

十有一月公會楚公子嬰齊于蜀 丙

申公及楚人秦人宋人陳人衛人鄭

人齊人曹人邾人薛人鄆人盟于蜀

三年

春王正月公會晉侯宋公衛侯曹伯伐鄭

辛亥葬衛穆公

二月公至自伐鄭 甲子新宮災三日

癸 乙亥葬宋文公

夏公如晉 鄭公子去疾帥師伐許 公

至自晉

秋叔孫僑如帥師圍棘 大雩 晉欲克

衛孫良夫伐齊答如

冬十有一日晉侯使荀庚來聘 衛侯使

孫良夫來聘 丙午及荀庚盟 丁未及

孫良夫盟 鄭伐許

